

INUIT ATAQATIGIIT INATSISARTUNI



14. august 2025

UKA2025/94

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Isertitat annertussusaat malillugit utoqqalinermi soraarnerussutisiat ilanngarneqartarunnaarlutilluunniit atorunnaarsinneqartarunnaarsillugit, Naalakkersuisut utoqqalinersiaqarneq pillugu Inatsisartut inatsisaannut allannguutissatut siunnersuummik suliaqarnissamik peqquneqarnissaannik Inatsisartunut aalajangiiffigisassatut siunnersuut. Allaannguutissatut siunnersuut UKA 2026-mi saqqummiunneqassaaq.

(Inatsisartunut ilaasortaq Mariane Paviassen Jensen , Inuit Ataqatigiit)

Tunngavilersuut:

Ullumikkut sulisinnaasut tamaasa pisariaqartippagut siunissamilu pisariaqartitsinerput milliartortusnaanani. Utoqqartagut ukiorpassuarni sulereerlutik soraarninngortut ataqqissavagut inuiaqatigiinnullu tunniussaannut qutsavigalugit. Utoqqartagulli suli sulisinnaasuseqarluartunik ilaqarput, taakkuukkaajuppullu piginnaasanik misilittakkanillu nalituunik pisariaqartilluinnaklatsinnik pigisallik. Taamaattoq sulerusussusaat killilerneqartarpoq.

Tassami inatsit ima sanaajuvoq; utoqqalinersiaqartut utoqqalinersiamik saniatigut sulinikkut isertitat aalajangersimasut angugaangamikkit utoqqalinersiaannik ilanngartuunneqalertarput. Tamanna akuerineqarsinnaajunnaarnikuvoq, tassami utoqqartagut suli sulisinnaasut isertitaqalersullu ilanngartuuttarnersisigut sulinissaq imminut akilersinnaasutut isigunnaartarpaat¹.

Taamaalilluta utoqqaat piginnaasaat ilisimasaallu annaasarpagut aammali utoqqaat imminut napatilluarnissaminut periarfissinneqanngitsoortarput.

Tamanna qaangertariaqarparput, utoqqartatta ukiualuit suli sulisinnaasutut misigisimatillutik suliffimmi suliinnarsinnaanerat periarfissaajuartariaqarpoq.

Ilami suna pillugu nunaqqatitta sulerusukkaluarlutik sulisinnaasusaannik killilersuissaagut? Suna pillugu inuit sulerusuppata pisinnaatitaaffiinnik piiiaffigissavagut? Misilittakkat annertuut ilisimasallu pingaaruteqarluinnartut aningaasanik nalilersorsinnaavagut?

Utoqqaat utoqqalinersiami saniatigut isertitaqarsinnaanissaat killilersorunnaarniartigu, utoqqartatta namminneq piumassusertik aallaavigalugu sulisinnaasutut misigisimasusaaq killilersorunnaarniartigu,

¹ https://nalunaarutit.gl/groenlandsk-lovgivning/2025/selvstyrets-lovbekendtgoerelse-nr-40-af-05-05-2025?sc_lang=kl-GL

INUIT ATAQATIGIIT INATSISARTUNI



pisinnaatitaaffiannik piiiaaffiunnaarniartigit taamaalillutalu utoqqalinersiaqarsinnaatitaanerup saniatigit aningaasanik isertitaqarsinnaassusaannik killilersuijunnaarniarta.

Taamaalillunga siunnersuutigaara utoqqalinersiaqalernerminingaaasarsiaritinneqartartut saniatigit sulinikkut isertitaqarsinnaaneq killilersorneqarani akerlianilli utoqqaat aningaasarsiorsinnaanerat annertusarniarlugu utoqqalinersiaqarnerup annaasaqaataasaanerata maannakkumut atuuttup peerneqarnissaanik Naalakkersuisut UKA2026-mi saqqummiusseqqullugit peqquneqassasut.

Partiit isumaat tusassallugu qilanaarpunga, qujanaq.

Pisortanut aningaasatigit allaffissornikkullu kingunerisassai:

Naatsorsuigallannerit paasinarsisippaat, utoqqalinersianit isertitanut nalimmassaaneq peerneqarpat, december 2023-miit kisitsisit tunngavigalugit aningaasartuutitik siumut naatsorsuinerup takutikkaat, tamatuma utoqqalinersianut aningaasartuutit 2025-mi 69 mio. kr-inik qaffassasut aamma 2026-mi 74 mio. kr-inik qaffassasut naatsorsuutigineqarluni. 2036-p naanerata tungaanut aningaasat taakkua 109 mio. kr-inut qaffassagatinneqarput.²

Namminersortunut aningaasaatigit allaffissornikkullu kingunerisassai:

Soqanngilaq.

Innuttaasunut aningaasatigit allaffissornikkullu kingunerisassai:

Innuttaasunut iluaqutaasaaq utoqqalinersiaqaannarsinnaaneq aningaasarsiolunilu ingerlagasuarsinnaaneq periarfissaalerpat utoqqartagut piumassusillit suli suliffimmi sulisinnaasut sulissapput, allaffissornikkut naatsorsuisaqattaanerup peerneqarneranik kinguneqarpat aningaasanik allaffissornerup iluani sipaarutaanngitsoornaviannngilaq.

² https://ina.gl/media/osdjnab0/019_2024_alderspension_mapav_akissut.pdf